

事具答報言聖者我以如是勝妙上帔因何割壞唯願留續受用苾芻白佛佛言僧祇之物不應割續直尔而用割者得越法罪

十四末

根本說一切有部毗奈耶雜事卷第十七 賤七

麀鹿上音章 辜音姑 梢音所 交 毛毯下地 奄然上廉 反一

大瘦下於 喪舉下音 胃膽下反 躡徒 答音 歐音 鳴

作正 僅渠 鎮音 杜多上徒 黃蠟下音 攪反 巧音 忽

遽上七 紅反 霽下音 執錫下先 劬上音 勞音 響

礙吾 蓋去 踊許 嬌求 位音 墨上倫 擊反 水反 篤音 籍音 緣

苦棟下郎 躡反 脊上巨 暇音 夏

根本說一切有部毗奈耶雜事卷第十八 賤八

唐三藏法師義淨奉 制譯

第五門摠攝頌曰

焚屍詰三轉 捨墮我身亡 界苾芻不應

不合五皮用

第五門第一子攝頌曰

乙

焚屍誦三啓 目連因打亡 不應廣大作多獲諸珍寶

緣在室羅伐城逝多林時此城中有二長者娶妻未久便誕一息年漸長大於佛法中而為出家遇病身死時諸苾芻即以死屍并其衣鉢弃於路側有俗人見作如是語沙門釋子身亡弃去有云我試觀之見已便識報諸人曰是長者子各共生嫌於釋子中為出家者無有依怙向若在俗諸親必與如法焚燒苾芻白佛佛言苾芻身死應為供養苾芻不知云何供養佛言應可焚燒具壽鄔波離請世尊曰如佛所說於此身中有八万户虫如何得燒佛言此諸虫類人生隨生若死隨死此無有過身有瘡者觀察無虫方可燒擯欲燒擯時無柴可得佛言可弃河中若無河者穿地理之夏中地濕多有虫蟻佛言於叢薄深處令其北首右脇而卧以草稭支頭若草若葉覆其身上送喪苾芻可令能者誦三啓

無常經并說伽陀為其呪願事了歸寺便不洗浴隨處而散俗人見譏或言釋子極不淨潔身近死屍身不洗浴佛言不應尔應可洗身彼即俱洗佛言若觸屍者連衣俱洗其不觸者但洗手足彼還寺中不禮制底佛言應禮制底

緣在王舍城具壽舍利子及大目連於時時中往觀地獄餓鬼傍生人天五趣巡行觀察至無間獄時舍利子語大目連曰具壽宜當為此無間有情息猛焰苦時大目連聞是語已即昇虛空於大獄上降注洪雨滴如車軸獄中猛焰令空中雨隨處銷亡時舍利子見是事已報目連曰具壽且止我滅其火荅言隨意時舍利子入勝解三摩地降注大雨令無間獄地並成泥咸得清涼皆蒙息苦遂見外道瞞刺拏由昔為他說惡邪教報受大身於其舌上有五百鐵犁耕墾流血見二尊者報言大德仁等若往瞻部洲中傳我所說報

賤八

二

我門徒曰由我生時口說邪法欺誑他故彼惡業力墮無間中於我舌上有五百鐵犁耕墾流血受極苦惱然汝供養我本塔時我身苦痛倍更增劇從此已後勿為供養時二尊者聞彼語已默然而受從他獄沒至王舍城二人相隨共入城內便於中路逢諸外道並

是執杖椎髻之流外道議曰我欲打彼沙門釋子一人報曰今正是時然有過方打不損物聽我且先問稱我意者善若不遂心打之未晚舍利子在前而至問言苾芻正命眾中有沙門不舍利子作是思惟何心見問觀知欲打即說頌言

露形外道自方正命

正命眾中無沙門 釋迦眾內沙門有  
若阿羅漢有貪愛 即無凡小愚癡人  
時彼外道不閑頌義報尊者曰汝讚歎我當隨意去尊者即便順路而行尊者目連前業將熟緩步而來外道既見問言苾芻正命眾中有沙門不若不豫觀雖阿羅漢智亦不行

答言汝等衆內寧有沙門如佛所說此是初沙門此是第二沙門此是第三沙門此是第四沙門除此已外更無沙門婆羅門但有空名說是沙門婆羅門而無其實如是我於人天之中及聲聞衆說無誑言作師子吼又復汝師瞋刺擊由在人中說邪惡法誑惑人故

殘八

三

生無間獄受廣大身於其舌上有五百鐵犁耕墾流血受極苦惱彼寄我言我由人中說惡邪法誑惑衆生令墮惡趣受耕舌苦摠報徒衆汝等更勿供養我塔每供養時我身苦痛倍更增劇從此已後憶我言教諸人聞已便生忿怒作如是語諸人當知此禿頭沙門非但於我強論過失并我大師亦被誹謗今欲如何一人報曰直須熟打餘更何言豈不平章有過方打今既謗我大師斯爲巨過打便合理衆即以杖打尊者身遍體爛熟由如搥葦即便四散時舍利子恠其在後遲晚不來遂即往看見其形體碎如搥葦而布于地

問言具壽何意如此答言舍利子此是業熟知欲如何舍利子言具壽豈非大師聲聞衆中稱說神通最爲第一何乃至斯答曰業力持故我於神字尚不能憶況發通耶時舍利子以七條衣裹襮其身猶若嬰兒抱持至寺諸人驚集問舍利子尊者何緣身至如此答

曰執杖外道打令爛熟遂緩下衣徐置于地時諸苾芻問舍利子曰豈非大師聲聞衆中說尊者目連神通第一答言實說仁等當知業力最大然大目連有大氣力以足右指蹴天帝釋戰勝之宮能令搖動幾欲崩倒於聲聞中如來讚說有大威力神通第一然由前世業力所持於神字尚不能憶況發於通是時目連作如是念我以不淨無用之身親於佛邊而爲給侍奉行教命隨力隨能無有違犯於佛教主少酬恩惠誰於德海盡能報謝我於此身不能荷負無邊苦器深生厭離當求寂靜無宜久停即留命行捨其壽行時有

苾芻未得聖道者見是事已極生憂惱起出  
離心即往林中阿蘭若處受下卧具少欲自  
居屏棄人間專修寂靜于時王舍城中并餘  
住處人皆普聞執杖外道共打聖者大目乳  
連遍身肢節悉皆爛熟碎如槌葦時舍利子  
自以衣裹猶若櫻兒持至竹園僅有殘命極

城八

四

受苦痛不久將死時有百千大眾搥萃竹園  
諸臣白王執杖外道共打聖者大目乳連遍  
身肢節碎如槌葦時舍利子自以衣裹猶若  
櫻兒持至園中僅有殘命極受苦痛不久將  
死王既聞已深生痛惜便與內宮太子宰相  
城內諸人悉皆雲集詣竹園中諸人見王即  
便開路至尊者所涕淚橫流猶如大樹崩倒  
于地執足號啼悲哽言曰聖者何因忽至於  
此荅言大王此是前身自作業熟知欲如何  
王極瞋怒告大臣曰卿等即宜奔馳四散覓  
彼外道若捉獲者置於空室以火焚燒尊者  
報曰大王不應作如是事我先作業猶如瀑

流注在於身非餘代受王報臣曰若如是者  
上命難違若捉得時應令出國王又白言我  
之所有皆奉聖者隨意受用王言聖者豈非  
大師聲聞眾中稱說尊者神通第一何不飛  
騰邁斯苦痛荅言大王是大師說然業力持  
我於神字尚不能憶況發通耶如來大師不

為二語親說伽他曰

假令經百劫 所作業不亡 因緣會遇時

果報還自受

我今受報知更何言時未生怨王以衣掩淚  
命諸醫曰於七日中不令聖者遍身肢節平  
復如故者我當奪汝現在封祿復令大臣躬

城八

五

為瞻養熬熱致敬禮尊者足奉辭而去時大  
目連告舍利子曰具壽當知願垂恩恕願垂  
恩恕我當涅槃舍利子聞而告曰我等二人  
俱求善法同時出家同證甘露同歸圓寂舍  
利子言當如是作尊者焉勝聞大目連身遭  
苦楚來至其所而申慰問告言具壽當知



非山非海中 無有地方所 亦不在空裏  
能避於先業 如影隨人去 無有安住者  
善惡業不亡 無上尊所說  
時大目連及舍利子即禮尊者馬勝足已右  
遶三帀白言阿遮利耶  
所作我已辦 今是最後辭 當入無餘依

清涼涅槃界  
是時尊者馬勝告舍利子曰

汝所作事已成辦 能隨善逝轉法輪  
今者樂欲入涅槃 世間法將燈明滅  
彼醫人等既奉王命共相議曰王出嚴勅我  
欲如何一人告曰知何所爲聖者年尊被杖

熱打猶如槌擊如何可治然此尊者有大悲  
力我等歸命彼曰垂恩諸人曰斯爲善計即  
便共去詣尊者所禮足而白大王有教摠命  
醫人於七日中不令聖者遍身肢節平復如  
故者我當奪汝現在封祿然聖者年尊加斯  
苦害難可平復唯願慈悲賜方便力令我封

祿不至削除時尊者報醫人曰若如是者汝  
去白王聖者目連滿七日已入王舍城次行  
乞食諸人喜辭共詣王所而白王曰聖者目  
連滿七日已入王舍城次行乞食王聞歡喜  
若實如是斯曰善哉滿七日已以神通力息  
除苦痛入王舍城次行乞食至大王宮門門

人見已入報王曰尊者大目連今在門首欲  
見大王王聞語已不勝喜躍疾起敷座出至  
門首見尊者五輪著地慙懃禮已請尊者入  
就座而坐白言聖者尊體起居得平和不尊  
者答曰大王應聽

我今何用膿血身 荷負衆苦無休息

今已除盡蚊蛇毒 安隱當趣涅槃城  
涅槃城中絕諸患 緣生衆苦悉皆無  
佛及聖衆在中居 輪轉愚夫不能入  
大王當知是我宿業必須受報身如槌葦無  
可療治假使古大醫王不能痊復所有醫人  
願皆釋放王曰皆放醫人王聞是已涕淚交

流起禮尊者足尊者告曰王勿放逸略說法  
已即辭而去時舍利子入定觀察以何意故  
具壽目連雖遭此苦入城乞食乃見將欲入  
於涅槃尊者舍利子從見目連被打之後心  
生悲戀遂嬰疾苦作如是念具壽目連若涅  
槃者我任何為我今宜可先入圓寂作是念

已至具壽阿難陀所辭別廣如經說次往世  
尊所頂禮佛足在一面坐白世尊言

佛教我已持 隨力為他說 聖眾已供侍  
於身無愛心 勉勵自事終 已修涅槃行

身語意三業 依正道無善 我於生不愛  
於死亦無憂 是故我涅槃 更無過此樂

作是語已佛告舍利子汝於如是殊勝法中  
於後而來最初而去有何意耶尔時舍利子  
合掌恭敬說伽陀曰

不忍見佛入涅槃 殊勝目連亦如是  
如來法將今事了 故我於先證圓寂  
今啓大聖人中尊 我今欲往本生處

賤八

七

為諸親族說法要 當捨輪迴五蘊身  
佛告舍利子汝欲涅槃白佛言世尊我欲涅  
槃又問汝欲涅槃白佛言善逝我欲涅槃又  
告舍利子若汝欲得入涅槃者諸行無常是  
生滅法隨汝所欲我更何言時舍利子最後  
禮佛合掌恭敬右遶三匝奉辭而去

次至大目連處白言具壽我有重病仁頗知  
不我今欲往那羅陀聚落於親族所為其說  
法當趣涅槃答言具壽隨意應作我亦如是  
往林園聚落為諸親眷說法要已當入涅槃  
次至難陀阿難陀阿尼盧陀頡離伐多跋地  
迦羅怙羅等諸大聲聞咸與辭別云欲涅槃

時彼尊宿告言謹慎舍利子侍者准陀與苾  
芻眾詣那羅陀村在那爛陀寺東具壽羅怙  
羅亦與苾芻眾隨後而行時舍利子便以愛  
語告羅怙羅曰

若有志求於解脫 當知一切悉無常  
世間無有可愛事 決定應觀莫放逸

形命無常無有樂 猶如畫水不暫停  
了知一切皆如夢 危生同聚亦如是  
敬佛敬法供養僧 佛正法藏為依止  
汝羅怙羅如我囑 於耆宿者應親近  
三藏教中有疑處 除我更無能答者  
若有宜應問世尊 為汝解疑宣實義

具壽羅怙羅答曰

我觀是次第 佛亦不久滅 如樹燒四枝  
其身寧久住

時羅怙羅禮舍利子足右繞三匝了知諸行  
皆悉無常即便迴去尊者舍利子將求寂准  
陀以為侍者於摩竭陀國人間遊行漸至那

羅陀村北升攝波林依止而住為諸親屬演  
說法要令住三歸受五學處聞舍利子將欲  
涅槃時有無量百千衆生悉皆雲集尊者觀  
察如是人衆堪應受化順其根性方便說法  
開示勸導讚勵慶喜令彼衆生或得燻法或  
得頂忍世間第一或得預流一來不還或復

賤八

八

出家得應供果或植無上菩提種子或植獨  
覺聲聞種子時尊者濟度親屬及諸大衆  
生淨信已於日初分上昇虛空放大光明現  
諸神變入無餘依妙涅槃界當圓寂時大地  
震動四方焰起流星墮落於虛空中天鼓發  
響諸苾芻衆或在北俱盧東西二洲或居妙

高餘七山處雪香山等諸崖坎窟江河之側  
隨處禪思受解脫樂時彼諸人見地動已便  
作是念何意大地忽然震動歛念觀察見其  
親教已入涅槃皆作是念我今不應無親教  
師於瞻部洲安隱而住作是念已尊者弟子  
有八万阿羅漢同時皆悉入般涅槃

亦時大目犍連於日初分執持衣鉢以神通  
力支持身體入王舍城次第乞食還至本處  
飯食訖收衣鉢洗足已詣世尊所禮雙足已  
白世尊言

此身皆是膿血聚 無堅危脆常動搖  
猶如毒餅我捨除 唯願大師哀愍恕

又說須曰

我今無有債 意將為滿足 生死海無邊

離怖昇彼岸 我伴舍利子 大智已圓寂

我今隨後去 唯願大雄知

佛告目連汝欲涅槃白佛言世尊我欲涅槃

又問汝欲涅槃白佛言善逝我欲涅槃又問

跋八

九

若汝欲得入涅槃者諸行無常是生滅法隨

汝所欲我更何言時大目連最後禮佛合掌

恭敬右遶三匝奉辭而去時大目連往林園

村為諸親族說法要已廣如前說為受歸戒

發心獲果者其數無量尊者遂於晡時入般

涅槃所有弟子七万七千阿羅漢同時皆悉

入于涅槃時二聖者涅槃之後所有親屬婆

羅門居士等取其身骨造窣覩波營造諸人

皆作生天解脫勝妙之業

時具壽阿難陀及羅怛羅闍舍利子并大目

連入涅槃已悲泣盈目往詣佛所禮佛足已

俱立一面

具壽阿難陀白佛言世尊

我聞身子目連滅 周遍身心皆動搖

目視諸方悉暗冥 假使聞法心迷亂

尔時世尊告彼二人曰

汝等勿生惱 恩愛皆離別 先為汝等說

是故莫憂悲 生者不免死 世界無常定

輪迴五趣中 終無得存者

時求寂准陀為鄒波馱耶焚燒供養已取遺

骨舍利并持衣鉢詣王舍城既至住處置衣

鉢洗足已至具壽阿難陀所頂禮足已在一

面坐白言大德知不我鄒波馱耶大德舍利

子已入涅槃此是遺身并三衣鉢時阿難陀

即將准陀往詣佛所頂禮佛足在一面坐白

世尊言

我聞身子滅 形體若癡人 不辨於方隅

聞法心無解

今求寂准陀來詣我所作如是言大德知不

我鄒波馱耶大德舍利子已入涅槃我已焚



燒供養取遺身舍利并持衣鉢並皆至此今  
欲如何佛告阿難陀舍利子苾芻將諸戒蘊  
入涅槃耶不尔世尊將諸定蘊慧蘊解脫蘊  
解脫智見蘊入涅槃耶不尔世尊又我自覺  
所說之法謂四念住四正勤四神足五根五  
力七覺分八聖道携持此法入涅槃耶不尔

戒八

十

世尊具壽舍利子不將如是無漏法蘊及三  
十七菩提分法入於涅槃然具壽舍利子具  
戒多聞少欲知足樂寂靜行常有勤勇正念  
現前有正知慧速疾慧出離慧趣入慧大利  
慧寬廣慧甚深慧無等慧空慧具足開示勸  
導讚勵慶喜聞悉了達處眾宣揚情無怯弱

然我與舍利子於佛法中同共受用今既涅  
槃由斯憶念令我憂愁悲啼不樂

佛告阿難陀汝勿憂愁悲啼不樂無容得有  
如斯道理從緣生法欲令常住者無有是處  
既知諸法性常滅壞不應憂感阿難陀我先  
曾於處處宣說一切恩愛歡樂之事悉皆無

常終歸離別譬如大樹植根深固莖幹枝條  
花果繁實悉皆充滿枝聳出者必先摧折如  
大寶山峯高峻者必先墮落今亦如是解為  
上首苾芻僧伽現住於世而舍利子先般涅  
槃又阿難陀若舍利子所去之處於彼方隅  
名稱充滿我無憂慮是故汝今勿生愛念世

相如是終歸離別若我現在或復去世如是  
應知自為洲渚自為救護法為洲渚法為救  
護無別洲渚無別歸依又阿難陀汝可自為  
洲渚乃至無別歸依然於我法弟子之中能  
持戒者則為第一云何苾芻自為洲渚自為  
救護法為洲渚法為救護無別洲渚無別歸

戒八

十一

依若有苾芻觀於內身勤行正念知諸世間  
瞋恚憂愁妄生煩惱或於外身或於內身或  
內外身如是廣說觀受心法勤行正念知諸  
世間瞋恚憂愁妄生煩惱如是名為自為洲  
渚乃至無別歸依時阿難陀聞佛說已頂禮  
佛足退辭而去

時諸苾芻戒皆有疑請世尊曰聖者目連曾作何業被外道粉碎其身世尊告曰汝等苾芻大目軋連自所作業無人代受乃至廣說乃往古昔於一城處有一婆羅門妻誕一男年既長大爲其娶婦兒於婦處極生愛念母瞋新婦兒懷忿心於其母處不爲敬重母責子曰汝愛其婦與我相違婦聞是語遂生惡念此之老母年過容華於已婿邊未能暫離而更於我夫主強說過非從是已後常求母過後於異時婦見姑嫜作私隱事遂告其夫共生瞋忿子告婦曰愚癡老耄尚不息心於我少年強生言責遂起惡心作磔害語如何得有勇力之人打彼身形碎如椎葦汝等苾芻勿生異念往時婆羅門子即大目連由於父母發生惡念作無義言於五百生中身常被打破如椎葦乃至今日最後生身於我弟子聲聞衆中神通第一尚受斯報是故汝等當知先所作業必須自受無人代當乃至廣

說如是應學諸苾芻衆聞已奉行

時諸苾芻復請佛言由何緣故諸外道等不打舍利子而害目連佛告苾芻非但今日放一打一過去亦尔汝等應聽乃往古昔於一村邊有多童子群聚遊戲見二摩納婆隨路而來遂相告曰我今打此二人及共議曰無宜即打且可問之若可意者我不行杖如不可意方可打之一人問曰何時有寒一摩納婆念曰何意相問看其形勢擬欲相打即便答曰

不問冬夏時 但今有風起 風生寒即有無風寒定無

賤八

十三

童子聞言遂便放去次問第二者彼便報曰冬月室有寒 夏時寒不有 此事人皆識無智共生疑時諸童子聞已瞋嫌熱打而去汝等苾芻往時放去者即舍利子是其被打者即大目連今時亦尔

時諸苾芻復更有疑請世尊曰希有大德具壽阿難陀生大憂惱世尊大慈能為開解佛告諸苾芻我今開解慶喜憂懷未成希有我於往昔已為慶喜除其憂感汝等應聽過去世時迦尸國婆羅痾斯城王名梵授乃至廣說豐樂安隱其王有子名曰善生善生有子

顏貌端正宗親聚會乞與立名諸人議曰此是迦尸國王之孫應名迦尸孫陀羅後於異時善生王子忽然命過時梵授王憐愛子故兩手抱屍悲啼號哭推曾大喚憂懷悶絕時迦尸孫陀羅有方便智作如是念大王憂惱或致身亡我今宜可為解憂結即詣王所禮

足白言大王我有所欲王曰汝欲何物答曰與我造車用日月為輪裝校精妙可疾將來若不與者至第七日我當當破而取命終王聞是以更增憂懼告其子曰誰作斯無益是愚者所言定知我不能強欲令求覓

賤八

十三

其子白言

大王我非愚

國主是愚者

抱此臭屍肉

喚子苦悲號

日月纔出時

普照於人世

能除四方闇

開發大光明

父王今不知

子去生他趣

地獄傍生鬼

人天異道中

非處勿攀緣

人王善思察

慇懃須定意

唯法可歸依

王聞童子語

身心皆欣躍

拔除憂毒箭

便弃子屍骸

汝等苾芻勿生異念往時迦尸孫陀羅者即我身是善生者即舍利子是其梵授王即阿難陀是即說頌曰

王子即我身

我父舍利子

阿難陀梵授

往昔事應知

尔時世尊出王舍城往憍薩羅國人間遊行至室羅伐城給孤獨園時具壽阿難陀於舍利子遺身之骨香花供養給孤長者聞舍利子已入涅槃有遺身骨具壽阿難陀親為供養便詣其所禮雙足已白言聖者知不尊者

舍利子今已涅槃彼即是我先所尊重長時  
日夜敬仰彌深仁將彼骨隨處供養我亦有  
心欲申供養惟願見與報言長者我亦如是  
先所尊敬無由相與廣說乃至給孤長者往  
詣佛所自言世尊惟願慈愍與我具壽舍利  
子遺身之骨欲申供養佛告阿難陀汝於同  
梵行者供養遺骨於如來所未為供養未是  
報恩於如是事若能作者是於如來真為供  
養是大報恩所謂能與他人出家及受近圓  
或與依止教其讀誦策勵禪思專求出道勿  
令虛度何以故阿難陀如來世尊於三無數  
大劫之中為諸有情備受無量百千萬種難  
行苦行方證無上正等菩提阿難陀由依止  
我為善知識故今諸有情於生老病死憂悲  
苦惱皆得解脫是故汝今應與長者遺身之  
骨令其供養時阿難陀蒙佛教已即持身骨  
授與長者何故阿難陀不違佛教如佛昔時  
行菩薩道於父母師長尊重之處所有言教

賤八

十四

曾無違逆今有言教無敢違者是時長者得  
身骨已禮佛而去持歸本宅置高顯處與其  
居家并諸眷屬咸以所有香花妙物共申供  
養時此城內人眾共聞尊者舍利子於摩伽  
陀國那羅聚落已般涅槃所有身骨求寂桂  
陀持付阿難陀尊者阿難陀持來至此佛令  
授與給孤長者持歸宅內共申供養時勝光  
王及勝鬘夫人行雨夫人并諸長者鄔波索  
迦毗舍佉鄔波斯迦及餘人眾咸持香花奇  
妙供具詣長者宅俱申供養或有曾因舍利  
子故得證道者追念昔恩亦來供養後於異  
時給孤長者有緣須出鎖門而去時諸大眾  
咸持供養來至門所見其門閉共起譏嫌長  
者何因障生福路長者迴還家人告曰多有  
人來欲申供養見門鎖閉咸起譏嫌云障福  
業長者聞已便作是念此即是緣可往白佛  
禮佛足已在一面坐自言世尊多有人眾於  
尊者舍利子遺身舍利情生敬重持諸妙物



各申供養來至我宅我有他緣鎖門而去諸人來見共起嫌言長者閉門障我福路若佛聽者我今欲於顯敞之處以尊者骨起窰觀波得使眾人隨情供養佛言長者隨意當作長者便念云何而作佛言應可用甄兩重作基次安塔身上安覆鉢隨意高下置平頭高

勝八

十五

一二尺方二三尺准量大小中堅輪竿次著相輪其相輪重數或一二三四乃至十三次安寶瓶長者自念唯舍利子得作如此窰觀波耶為餘亦得即往白佛佛告長者若為如來造窰觀波者應可如前具足而作若為獨覺勿安寶瓶若阿羅漢相輪四重不還至三一來應二預流應一凡夫善人但可平頭無有輪蓋如世尊說如是應作苾芻不知若為安置佛言如世尊住法處中應安大師制底諸大聲聞應在兩邊餘尊宿類隨大小安置凡夫善人應在寺外長者既為造窰觀波已白佛言若聽許者我為尊者舍利子慶窰觀

波設大施會佛言隨作時勝光王聞大長者請佛欲為尊者舍利子慶塔設會王作是念我當助作即於城中搖鈴普告現在城中所有人物及餘四遠實估之類若有來觀此法會者所賣貨物隨情交易不取其稅時有五百貨人於大海內遭遇黑風欲破船舶時彼諸人先於尊者舍利子所曾受歸戒各各稱念復賴諸天共相扶助得出洪波平安屆此聞勝光王作如是教咸生是念王由昔業受斯勝位今復無厭更修檀捨我等云何而不營福實人皆共起敬信心即以眾多金銀珍寶真珠貝玉於法會中盡心供養捨之而去苾芻受已不知如何處分其物佛言螺貝堪吹響者應與瞻部影像處用自餘所有珍寶應留多少與舍利子塔修理所須若有衣物堪懸供養者應留多少可於齋日懸繒供養所餘諸物衣裳疊布及錢貝等現前僧眾應共分之是同梵行財理合用故此據舍利子

塔物作斯處分若是佛塔之物皆入塔用

第五門第三子攝頌曰

詰問令憶念 問彼容許不 教授事不為

長淨及隨意

佛在室羅伐城時六眾苾芻不審見聞疑即  
便詰問苾芻諸苾芻聞已各生著耻形體羸

十六末

瘦顏色萎黃氣力減少不能讀誦如理思惟  
乃至佛告諸苾芻從今已去苾芻不以不審  
見聞疑詰他苾芻若作如是詰責他者得越  
法罪詰問既尔如是應知憶念問訊不為教  
受長淨隨意類此應知皆越法罪

根本說一切有部毗奈耶雜事卷第十八 賤八

殞必刃 草穉下之 瞞刺擊上補胡反 耕墾下音  
穉反必刃 椎上直 椎下直 裏下反 嬰見  
上反 蹴秋六 摠上才 削下反 地許  
反反 頡離 危脆 莖幹 聳聳 高  
峻下反 洲渚 姑嫜 老耄 礫毒

上楚 憂感 下音 鎖鎖 二同 寶寶 上音 商商 舟  
船白 下音 繒疾 陵

根本說一切有部毗奈耶雜事卷第十九 賤九

唐三藏法師義淨奉 制譯

第五門第三子攝頌曰

佛三轉法輪 初度五人已 不喚名族等

俱尸宣略教

如是我聞一時薄伽梵在婆羅泥斯仙人墮

徐讀

處施鹿林中

尔時世尊告五苾芻曰汝等苾芻此苦聖諦  
於所聞法如理作意能生眼智明覺汝等苾  
芻此苦滅順苦滅道聖諦之法如理作意能  
生眼智明覺

汝等苾芻此苦聖諦是所了法如是應知於